



NADZORNI ODBOR

Broj protokola:0201-634/19
Sarajevo, 07.06.2019.

Na temelju člana 40 Statuta JU "Zavod za bolesti ovisnosti Kantona Sarajevo" Kantona Sarajevo sazivam

1. SJEDNICU NADZORNOG ODBORA

i predlažem slijedeći

DNEVNI RED

1. Konstituisanje;
2. Upoznavanje sa organizacijom i planom rada Zavoda (direktorica);
3. Razno;

Sjednica će se održati u **petak 07.06.2019.godine**, sa početkom u **16,00h**, III sprat – biblioteka, ul. Nahorevska 173, 71000 Sarajevo.

Ukoliko niste u mogućnosti prisustvovati sjednici molim Vas da me blagovremeno obavijestite na tel – fax : 257 750 ili e-mail: zalcnarc@bih.net.ba

v.d. Predsjednik Nadzornog odbora
Džemal Aganović, v.d. član

Dostavljeno:

1. Aldijana Birdžo, v.d. član
2. Mahir Osmanspahić, v.d. član
3. Salih Berbić, predsjednik prethodnog N.O.
4. Elma Tuzlić, član prethodnog N.O.
5. Eldina Saračević, član prethodnog N.O.
6. Doc.dr sci med. Nermana Mehić Basara, direktorica Zavoda
7. a/a Nadzornog odbora
8. a/a Zavoda



NADZORNI ODBOR

Broj protokola:0201-690/19
Sarajevo, 07.06.2019.

ZAPISNIK

Sa 1. sjednice Nadzornog odbora JU "Zavod za bolesti ovisnosti " Kantona Sarajevo (u daljem tekstu N.O. i Zavod) održane 07.06.2019.godine (petak) u sali biblioteke – III sprat, sa početkom u 16,00 sati.

PRISUTNI:

- Džemal Aganović, dipl.ing.maš,
- Mahir Osmanspahić, dipl.psihol.,
- Aldijana Birdžo, mr. menadž.,
- Salih Berbić, dipl.krim. prethodni predsjednik
- Doc. dr sci med. Nermana Mehić – Basara , direktorica Zavoda
- Samira Durak, bach komunik. , sekretar N.O.

ODSUTNI:

- Elma Tuzlić, dipl.ecc, član prethodnog N.O.
- Elvedina Saračević, med.sestra, član prethodnog N.O.

V.d.predsjednik gosp. Aganović je, pozdravio prisutne, otvorio sjednicu, konstatovao da je iz prethodnog saziva Nadzornog odbora prisutan gosp. Salih Berbić, koji je obnašao funkciju predsjednika te se zahvalio gosp. Berbiću na dolasku na sjednicu.
Predložio je slijedeći

DNEVNI RED

1. Konstituisanje;
2. Upoznavanje sa organizacijom i planom rada Zavoda (direktorica);
3. Razno;

1.

V.d. predsjednik N.O. gosp. Aganović je konstatovao da je Rješenjem Vlade Kantona Sarajevo broj 02-5-19730-38.2/19, od 10.05.2019. godine imenovan Nadzorni odbor JU Zavod za bolesti ovisnosti Kantona Sarajevo na mandatni period do (3) tri mjeseca, u slijedećem sasatavu: Džemal Aganović v.d. predsjednik; Aldijana Birdžo v.d. član; Mahir Osmanspahić v.d. član.

V.d.predsjednik N.O. gosp. Aganović je konstatovao da je Nadzorni odbor konstituisan.

V.d. predsjednik N.O. gosp. Aganović je dao riječ direktorici da se predstavi.

Direktorica Zavoda Doc.dr sci med. Nermana Mehić Basara je pozdravila prisutne čestitala im na imenovanju i poželila uspješan rad.

Istakla je da je u ovoj ustanovi zaposlena 37 godina, po zanimanju je ljekar specijalista neuropsihijatar subspecijalista za bolesti ovisnosti i doktor nauka. Već dugi niz godina se nalazi na čelu ove ustanove, za koju je i emotivno vezana, gdje je skoro cijeli svoj životni vijek posvetila radu sa ovisnicima i unapređenju rada ustanove.

V.d. predsjednik N.O se zahvalio direktorici, te je dao riječ gosp. Berbiću da se predstavi i izvijesti ovaj odbor o proteklom mandatu Nadzornog odbora u kojem je bio predsjednik.

Gosp. Berbić je rekao da je po zanimanju diplomirani kriminalist, dolazi iz Kaknja, gdje radi i vlasnik je preduzeća. Istakao da je imao potrebu da dođe na sjednicu kako bi poželio sretan i uspješan rad novoimenovanom Nadzornom odboru. Izvijestio da je JU Zavod za bolesti ovisnosti ustanova čiji je rad za svaku pohvalu, tokom rada bio je veoma zadovoljan saradnjom Nadzornog odbora i Zavoda, posebno što Zavod ima stabilno finansijsko poslovanje sa ostvarenim dobitkom što se može vidjeti u Izvještajima o radu i finansijskom poslovanju. Imao je uspješnu saradnju sa menadžmentom Zavoda, kao i sa stručnim službama unutar ustanove. Istakao je da u Zavodu funkcionišu i ljudski i stručni odnosi, da se radi domaćinski i u skladu sa Zakonom.

V.d. predsjednik N.O. gosp. Aganović se predstavio rekao je da je po zanimanju diplomirani inženjer mašinstva, da je radni vijek započeo u Energoinvestu, a posljednjih dvadeset godina radi u Toplanama Sarajevo na funkciji direktora. Ekspert je za standarde u rukovođenju i upravljanju. Do sada je bio član Nadzornog odbora Agencija za privatizaciju.

V.d. predsjednik N.O. gosp. Aganović je dao riječ Mahiru Osmanspahiću.

Osmanspahić Mahir rekao da je zaposlen u Zavodu za bolesti ovisnosti već petnaest godina na radnom mjestu diplomirani psiholog. Istakao je da je rad u Zavodu zasnovan na timskom radu i da je saradnja izuzetno korektna.

V.d. predsjednik N.O. gosp. Aganović je dao riječ Aldijani Birdžo.

Aldijana Birdžo je rekla da je diplomirala međunarodne odnose, da je magistar menadžmenta, zaposlena u privatnom sektoru, dolazi iz Hadžića gdje živi, član je Općinskog vijeća Hadžići. Do sada nije stekla iskustvo u radu Upravnog ili Nadzornog odbora, a o Zavodu se informisala putem web stranice Zavoda.

2.

V.d. predsjednik N.O. gosp. Agić je dao riječ direktorici Zavoda da novimenovanom Nadzornom odboru predstavi organizaciju i plan rada Ustanove.

Direktorica Zavoda Doc.dr sci med. Nermana Mehić Basara je prezentirala historijski razvoj Ustanove od 1967 do danas, djelatnost Zavoda koja je vezana za sva tri nivoa zdravstvene zaštite, viziju Zavoda koja se odlikuje u tome da Zavod bude dobro organizovana, finansijski stabilna ustanova, sa dovoljnim brojem educiranog kadra, osposobljena za pružanje kvalitetnih zdravstvenih usluga iz svoje djelatnosti svim korisnicima zdravstvene zaštite u Kantonu Sarajevo, kao i svim drugim građanima Bosne i Hercegovine koji iskazuju interes za liječenje. Misija Zavoda je da se Programima tretmana obuhvati što veći broj ovisnika, u što ranijoj fazi bolesti i dovoljno dugo sa ciljem poboljšanja njihovog zdravlja i osposobljavanja za normalan život u zajednici, čime će se posredno reducirati rizici transfera bolesti na zdrave mlade ljude.

Uz pomoć Vlade Kantona Sarajevo JU Zavod za bolesti ovisnosti je 2016. godine uselio u svoj matični objekat u Nahorevskoj 173. Naglasila je da je otvaranjem novog objekta Zavod zakoračio u novu modernu eru svog stručnog rasta i razvoja, sa ciljem pružanja što kvalitetnije zdravstvene usluge ovisnicima i smanjenja rizika za neželjene zdravstvene posljedice u zajednici, što potvrđuje i AKAZ certifikat za akreditaciju i kvalitet koji je Zavod dobio 2018. godine.

Zavod je organizaciono podijeljena na sektor medicinskih i sektor nemedicinskih poslova, sa organizacionim jedinicama.

Prezentirala je rezultate poslovanja i ostvarene usluge. Izvijestila da je problematiku s kojom se Zavod suočava i koju planira riješiti u narednom periodu vezana za otvaranje još jednog punkta za provođenje OST terapije i prijem nedostajućih kadrova. Istakla je da Zavod ima 60 zaposlenika što je za 28 manje u odnosu na broj zaposlenika koji je predviđen sistematizacijom radnih mjesta. Za neka radna mjesta Zavod je dobio saglasnost Ministarstva zdravstva Kantona Sarajevo, a ista se trebaju priznati u Rebalansu Budžeta ZZOKS. Obrazložila je da se Odsjek za supstitucionu terapiju nalazi u ulici Omera Stupca broj 6, to je izvanbolnički tretman i naglasila je da se Zavod tokom godina bio suočen sa pritiscima lokalne zajednice zbog frekventnosti pacijenata. Ističe da pacijenti ne prave probleme i nijedan incident koji se desio na tom području nije uzrokovao nijedan pacijent sa OST programa, ali se slaže da je frekvencija pacijenata velika jer na tretman svakodnevno dolazi 350-400 pacijenata. Zbog svega navedenog smatra neophodnim otvaranje još jednog punkta za provođenje

OST programa na području Općine Novi Grad, što bi obuhvatilo pacijente sa područja Ilidže, Trnova i Novog Grada. Sa premijerom Kantona gosp Fortom i i ministricom zdravstva Dr Sofić je već održala sastanak na kojem je dogovoreno otvaranje još jednog punkta.

Zavod je u 2017. godini dobio AKAZ certifikat za kvalitet akreditaciju.

Prezentirala je plan rada Zavoda i naglasila je da je planirano otvaranje programa za liječenje nehemijskih ovisnosti kao što su ovisnost o kockanju igrama na sreću, ovisnost o internetu i video igricama. U Zavodu se u okviru Odjeljenja za alkoholizam tretiraju ovisnici o kockanju i igrama na sreću i to se radi sa postojećim kadrovima.

U. J. **Predsjednik N.O.** se zahvalio direktorici na prezentaciji organizacije i plana Ustanove i pitao je kako se Zavod finansira, i na koji način se ostvaruje ovako veliki broj usluga na godišnjem nivou 211.544 sa ovako malim brojem zaposlenika. Direktorica je odgovorila da se Zavod finansira iz Budžeta Zavoda zdravstveno osiguranja K.S. 93%, a 7% ostvaruje od saradnje sa drugim Kantonima. Što se tiče pružanja usluga sa malim brojem kadra istakla je da se radi timski u veoma složenom psihosocijalnom tretmanu liječenja ovisnosti.

Osmanspahić Mahir dipl. Psiholog je istakao da je liječenje ovisnosti vrlo kompleksan način liječenja u kojem učestvuje cijeli tim, da je to vrlo zahtjevno, tačno je da se radi sa kadrovskim deficitom, ali da je Zavod zdravstvena ustanova i da se ne mogu odbijati pacijenti, gdje se pacijenti tretiraju kroz grupne ili individualne oblike rada zavisi od potreba pacijenata, tako da se svi zaposlenici trude da odgovore svojim obavezama vezanim za pružanje kvalitetne usluge pacijentima.

Gđa Birdžo je pitala kako se to može popraviti kadrovska situacija u Zavodu s obzirom, i koliko dugo traje liječenje ovisnika. Direktorica je odgovorila da je trenutno na snazi odluka o moratoriju na zapošljavanje, ali je Zavod dobio saglasnost od Ministarstva zdravstva K.S. za prijem kadrova (jedan ljekar, jedna medicinska sestra tehničar, jedna farmaceut, jedan ekonomista i jedan informatičar programer), te da se za iste trebaju obezbjediti sredstva rebalansom Budžeta Zavoda zdravstvenog osigurnaja. Liječenje ovisnika traje u prosjeku mjesec dana kada se radi o hospitalnom tretmanu, a nakon toga se nastavlja liječenje u trajanju od jedne godine kroz intenzivno praćenje stanja pacijenta.

U. J. **Predsjednik N.O.** konstatuje da je navedeno primljeno k znanju.


3.

U. J. **Predsjednik N.O. gosp. Aganović** je izvijestio da u tački 3 dnevnog reda Razno nije bilo predloženih tema.

Sastanak je završen u 18,00h

Zapisničar

Samira Durak, bach kom.



v.d. **Predsjednik Nadzornog odbora**
Džemal Aganović dipl.ing.maš.

